

Bosna i Hercegovina
Federacija Bosne i Hercegovine
Tuzlanski kanton
Ministarstvo prostornog uređenja i zaštite okolice

Na osnovu člana 29. Zakona o izvršenju budžeta Tuzlanskog kantona za 2012. godinu („Službene novine Tuzlanskog kantona“ broj: 3/12) i Programa raspodjele namjenskih sredstava Ministarstva prostornog uređenja i zaštite okolice za 2012. godinu, a u skladu sa Odlukom o utvrđivanju uvjeta, kriterija i postupaka za raspodjelu namjenskih sredstava iz ekoloških naknada, Ministarstvo prostornog uređenja i zaštite okolice raspisuje:

JAVNI KONKURS

za dodjelu sredstava privrednim društvima u privatnom vlasništvu

1. Predmet javnog konkursa

Predmet javnog konkursa je prikupljanje prijave privrednih društava u privatnom vlasništvu za dodjelu sredstava koji se odnose na:

- zbrinjavanje svih vrsta otpada i
- unapređivanje i izgradnja infrastrukture za zaštitu okoliša.

2. Korisnici sredstava koji imaju pravo na podnošenje prijave

Pravo učešća na javnom konkursu imaju privredna društva u privatnom vlasništvu, a koja imaju sjedište, obavljaju djelatnost i realiziraju projekte na području Tuzlanskog kantona, osim privrednih društava koja su dobila sredstva po ovoj osnovi u prethodnim godinama.

3. Uvjeti kojima podnositelji prijave moraju udovoljavati

Projekti koji će se uzeti u razmatranje se dostavljaju na posebnom obrascu i treba da sadrže:

1. naziv projekta,
2. oblast zaštite okolice na koju se odnosi projekt,
3. ciljevi projekta (na koji način doprinosi rješavanju problema),
4. detaljni opis projekta (opisati po fazama i po mogućnosti opisati sve projektne aktivnosti i dinamiku realizacije), sa eventualnom potrebnom pratećom dokumentacijom (skice, planovi, crteži, fotografije, CD prezentacije i slično),
5. specifikaciju troškova sa visinom sredstava koje se potražuju od Ministarstva (navesti detaljnu specifikaciju),
6. rok realizacije projekta,
7. sufinansiranje projekta (navesti u procentima ukoliko ima sufinansiranja i dokaz – odluka direktora),
8. usklađenost poslovanja privrednog društva sa odredbama Zakona o zaštiti okoliša (dati podatke i dokaze o posjedovanju okolinske dozvole ukoliko je obavezna) i
9. podatke o kontakt osobi vezano za realizaciju projekta (ime i prezime, kontakt adresa, telefon i e-mail).

Neće se uzeti u razmatranje prijave privrednih društava u privatnom vlasništvu:

- koja su ranije dobila finansijsku pomoć od ovog Ministarstva i
- koja ne dostave dokumentaciju za dokazivanje ispunjavanja uvjeta iz člana 4. javnog konkursa i koje ne razrade projekat kako je definirano članom 3. javnog konkursa.

4. Popis dokumenata koje je potrebno priložiti uz prijavu

Podnosioci prijave dužni su dostaviti slijedeću dokumentaciju kojom dokazuju ispunjavanje uvjeta:

1. aktuelni izvod iz sudskog registra društava (bez djelatnosti),
2. uvjerenje o poreskoj registraciji (ID broj),
3. spesimen potpisa iz banke lica odgovornih za finansije,
4. dokaz da nije pod stečajem ili likvidacijom,
5. dokaz da pravno lice nije osuđeno u sudskom postupku za kršenje zakona u smislu njegovog poslovnog ponašanja u razdoblju od pet godina,

6. dokaz da nema obaveze u vezi s plaćanjem doprinosa za socijalno osiguranje (PIO/MIO i zdravstveno osiguranje) zaključno sa mjesecom – maj 2012. godine,
 7. dokaz da je ispunio obaveze u vezi s plaćanjem poreza (indirektni i direktni porezi) zaključno sa mjesecom – maj 2012. godine i
 8. projekat (ovjeren i potpisan od strane podnosioca).
- Dokumenti navedeni pod 1., 4., 5., 6. i 7. ne mogu biti stariji od tri mjeseca. Dokumenti se prilažu u originalu ili ovjerenj kopiji.

5. Osnovni kriteriji odabira

Osnovni kriteriji odabira za privredna društva u privatnom vlasništvu su:

- oblast zaštite okolice (do 30 bodova),
- rok realizacije projekta (do 20 bodova),
- sufinansiranje projekta (do 20 bodova) i
- usklađenost poslovanja preduzeća sa odredbama Zakona o zaštiti okoliša (do 30 bodova).

6. Vrednovanje projekta

Prijedlog raspodjele sredstava daje komisija imenovana od strane ministra.

7. Opće odredbe

Privredna društva u privatnom vlasništvu imaju pravo na javni poziv prijaviti jedan projekat. Maksimalni iznos koji se privrednom društvu u privatnom vlasništvu može odobriti za projekat je 20.000 KM.

Projekti se predaju na adresu:

Tuzlanski kanton
Ministarstvo prostornog uređenja i zaštite okolice
Pisarnica Vlade TK (Slatina br. 2, Tuzla),
(sa naznakom: „ZA JAVNI KONKURS – NE OTVARATI“)

Rok za podnošenje prijave je 8 dana od dana objavljivanja javnog poziva u dnevnim novinama. Javni poziv za dodjelu sredstava privrednim društvima u privatnom vlasništvu zajedno sa propisanim obrascem iz tačke 3. javnog konkursa će biti objavljen i na zvaničnoj web stranici Vlade Tuzlanskog kantona www.vladatk.kim.ba.

Neblagovremene i nepotpune prijave neće se uzeti u razmatranje.